

ЎЙЛАНАМАН, ЙЎЛИМ ТУШСА АНЖОН САРИ...



ТОШКЕНТ МЕТРОСИДА КЎЙЛИҚДАН СЕРГЕЛИГАЧА 15 ДАҚИҚАДА БОРИШ МУМКИН БЎЛАДИ

Президент Шавкат Мирзиёев 8 февраль куни Тошкент метрополитенидаги бунёдкорлик ишлари билан танишди.



МАҲАЛЛИЙ ТРАНСФОРМАТОР ИШЛАБ ЧИҚАРИШ РИВОЖЛАНТИРИЛАДИ

Давлатимиз раҳбари пойтахтимиздаги «Aysel Energy» масъулияти чекланган жамияти фаолияти билан танишди. Президентимиз соҳа мутасаддиларига электр тармоқларини янгилаш, зарур жиҳозлар ишлаб чиқаришни кенгайтириш бўйича топшириқлар берган эди. Бу ташриф ўша вазибалар ижроси, келгусида энергетик муаммоларнинг олдини олишга қаратилган ишларнинг бир қисми.



ПРЕЗИДЕНТ ҲАМИША ХАЛҚ БИЛАН БИРГА

Давлатимиз раҳбари Тошкент шаҳрининг Сергели туманидаги «Эзгулик» маҳалласида бўлиб, аҳоли ҳаёти билан танишди.



ПОЙТАХТ ИНФРАТУЗИЛМАСИНИ РИВОЖЛАНТИРИШ ВАЗИФАЛАРИ БЕЛГИЛАНДИ

Президент Шавкат Мирзиёев Тошкент шаҳрида энергетика ва транспорт инфратузилмасини ривожлантириш, маҳаллаларни обод қилиш ва аҳоли бандлигини ошириш масалалари бўйича йиғилиш ўтказди.

ЎЗБЕКИСТОН ФВВ ТУРКИЯДА 9 КИШИНИ ҚУТҚАРДИ



Ўзбекистон ФВВ бўлинмалари ходимлари Туркиядаги ҳалокат ўчоқларида иш олиб бормоқда. Ўзбекистонлик қутқарувчилар 8 февраль тонгига келиб вайроналар остида 9 кишини омон олиб чиққан. Қутқарилганларнинг 5 нафари эркак ва 4 нафари аёл. Шунингдек, вайроналар орасидан 12 кишининг жасади топилган.



Ўйланаман...

Ўйланаманки, неларни ўйлаган экан бу ўйчан сатрлар қаламидан тўкилаётганда оташнафас шоирамиз Ҳалима Худойбердиева? Нималар безовта қилган экан опамизнинг хаёлот осмонини? Араблар, мўғуллар истилоси ёки чор Россияси босқинлари остида эзилган Андижонми? Балки, Дукчи Эшон етакчилигида зулмга қарши бош кўтарган халқ кўзгочлончилари нақадар ваҳшиёна жазолангани, уларнинг 18 нафари минглаб одамларнинг кўз ўнгида дорга осилгани, Мингтепа, Қашғар, Тожик қишлоқлари уч кун давомида муттасил тўплардан ўққа тутилиб, култепага айлантирилганими? Эҳтимол, «Нодиранинг қул кунлари, шоҳ кунлари», «Моҳларойим кетётган ароба, Умархон тўй аробасин шовқинлари...» ёхуд азон айтилмасдан обдастада сув иситиб турган келинчаларнинг хуркак оху-дайин ерга қараб туришларини, сўнгра «орқа билан юриб чиқиб кетишлари» ўйга толдиргандир ардоқли шоирамизни...

Ўйланаман...

Ўйланаманки, бугун, ҳозир, мана шу ерда, шаҳри Андижоннинг энг баланд, энг муборак, энг азиз ва муқаддас манзилларидан

бўлмиш Боғишамол тепалигида, менинг ўрнимда бўлганида нималарни ўйлаган, нималарни ёзган бўлар эдилар «Кўнглида кўнглининг минг синиги», «Кўнглида ғамларнинг ўткир тиғи» бўлган шеърятимиз маликаси? Имомим комилки, У:

**Тенгсизга чопарлар, тенглига бормас,
Минг кўйлига борар, мунглига бормас.
Тўйига, уйига борар, во дариғ,
Ҳеч ким бир-бирининг кўнглига бормас**

деган аччиқ армонзада мисралар ўрнига:
**Мен Туроннинг қадим кўнгиғоғимен,
Жаранг берсам қир-даласи уйғонар...**

дея ҳайқирган бўлар эдилар.
Андижоннинг ҳозирги қиёфасини кўрган, бу қадим кент тупроғида чаппар уриб камол топаётган дов-дарахтларга маҳлиё бўлган, Ватан учун жонфидо юртдошларининг юмушларидан ифтихор туйган шоиранинг бошқача ёзиши мумкинлиги мутлақо тасаввурга сиймайди.

Сиймайди!

Нафақат Ҳалимахошим, балки Абдулла Орипов ёхуд Мирзо Бобур ҳазратлари ҳам бошқача ёзмаз, ёзолмас эдилар, менимча. Асло!

>>> 3

Алишер НАВОИЙ

Ошиқ ўлдум...

*Ошиқ ўлдум, панд берманг – чорам асбобин тузунг,
Ишқ зор этганга зулм этманг – тараҳхум кўргузунг.*

*Эйки, дерсиз ишқ аро сабринг уйин обод қил,
Мундоқ айтгунча ҳаётим қасри бунёдин бузунг.*

*Сарвинозимким борур кўз боғидин, қилмон қабул,
Гар анинг ўрнида тўби нахлини ўлтурғузунг.*

*Онсизин, эй дўстлар, не захру не оби ҳаёт,
Ким мусовидур манга гар ўлтурунг, гар тиргузунг.*

*Гар ажал турғузмади жисмимни ул ой кўйида,
Дўстлар, наъшимни боре анда бир дам турғузунг.*

*Дурд келтурдунг дебон ёзғурмангиз, эй аҳли ишқ,
Бок йўқ, зуҳдум ридоси кунжиги солиб сузунг.*

*Чун Навоий кўнглини қилди гириҳ бир тори зулф,
Дўстлар, сарриштаи уммидни андин узунг.*



